


E LUS DI MUNDU



Bos di Profesia Les 9

UNDA E MORTONAN TA?

Versikulo di Memoria: "Ami ta e resurekshon i e bida; esun ku kere den Mi lo biba, maske e muri" (Juan 11:25).

Nos a studia kon pika a drenta e mundu aki, i kon el a trese enfermedat i morto. Lo bo rekorda, ku Satanás a gaña Eva den e Hardin di Eden, ora ku el a bisa "lo bo no muri" (Genesis 3:4). Te awor den e dianan aki, Satanás ta trata di hasi nos kere, ku ora hende muri, nan no a muri di berdat. Den nos versikulo di memoria, Hesus ta deklar ku hende ta muri, pero El a priminti, ku nan lo biba atrobe. Ora ku nos bai weta den Skritura Santu pa sina tokante morto unda nan ta, nos ta lesa e palabranan di Hesus; nos ta siña for di djE, Esun ku sabi tur kos, i Esun ku por lanta morto na bida atrobe.

- 1. Kiko hende ta teme mas i ta kompronde menos?**
"Ma hende ta muri i ta wordu dera. Hende ta hala su ultimo rosea, i unda el a keda?... Si un hende muri, lo e bolbe biba?" (Job 14:10, 14).

MORTO ta wordu teme mas ku kualke otro kos, pasobra asina poko hende ta kompronde kiko e ta, i kiko ta sosode ku hende ora e muri. Ora ku un hende muri den e mondi salbahe di e pueblonan di Borneo, e famianan ta bati tambu i ta hasi boroto, sperando ku e bochincha ei lo kore ku e spiritunan malu, ku nan ta pensa a kousa e morto. Hopi chines, indjan, i otro hende ta sende klapchi pa mes un proposito.

Morto ta alkansa kada kas, kada stat i kada pais. Un kas por ta yen di ku alegria awe nochi, pero pa mainta e ta yen di ku tristesa. E yu chikitu por ta hungando mainta i pa anochi e ta morto. Morto ta drenta tur kaminda: den hospitalnan, riba kamindanan grandi, riba kampo di bataya. Kon tristu e ta hasi nos, pa risibi un telegram ku ta bisa ku algun stima di nos a muri diripente!

E MORTONAN NO A WORDU LANTA AINDA

- 2. Kiko hopi hende ta kere ta pasa ora un persona muri?**
"Ken sa si rosea di hende ta subi bai ariba i si rosea di bestia ta baha bai abou den tera?" (Ekleziastes 3:21).

MAYORIA di e religionnan pagano ta siña ku ora un hende muri, su spiritu ta bai na un bon lugá. Hopi hende den paisnan sivilisa ta kere, ku hende ta bai shelu ora nan muri, i bestia ta bai den tera. Probablemente bo a tende personanan mayor papia tokante morto i hasta diskuti kiko ta pasa ku hende ora nan muri.

Segun bo ta lesa e tekstan den Skritura Santu, bo por sabi ku siguransa kiko ta pasa na morto; lo bo no tin

mester di preokupa. Kon gradisido nos mester ta, ku den Skritura Santu, Dios a duna un kontesta kla na e preguntanan difisil ei. Laga nos tuma e Beibel so komo nos guia i kere loke e ta bisa.

"Pasobra destino di yu di hende i destino di bestia ta meskos. Manera esun ta muri, e otro tambe ta muri; di berdat, nan tur tin e mesun rosea Tur ta bai na mesun luga. Tur a bin di stof i tur ta bolbe na stof (Ekleziastes 3:19, 20).

Idioma por ta mas kla?

Ora ku un hencle muri, e ta wòrdu pone den tera i ta keda eínan te riba e dia di resurekshon.

Masha poko hende ta kere ku animalnan ta bai na un mundu di spiritu. E tekst aki ta bisa nos bon kla, ku hende i animal ta muri meskos, nan ta hala nan delaster rosea, i nan ta bira tera (*stat*) bek.

- 3. Unda e mortonan ta sosega te e dia di resurekshon?**

"No straña boso di esaki, pasobra e ora lo yega den kual tur ku ta den graf lo tende Su bos, i lo sali; esnan ku a hasi bon, pa un resurekshon di bida, esnan ku a komete maldat, pa un resurekshon di huisio" (Juan 5:28, 29).



Esaki ta un versikulo masha importante, biniendo direktamente for di lepanan di Hesus. E ta bisa nos ku e mortonan ta den graf i ku

nan lo keda eínan te ora ku E yama nan sail afo na dia di resurekshon, ku lo sosode na Su segundo benida.


- 4. Segun Job, ki dia e mortonan lo wordu lanta for di soño?**

"Asina hende ta kai drumi i no ta lanta mas; te ora ku e shelunan no t'ei mas, e lo no lanta ni wordu spierta for di su soño un hende muri, lo e bolbe biba? Tur e dianan di mi lucha lo ml spera, te ora mi liberashon bin" (Job 14:12, 14).

E mortonan ta drumi den nan graf i ta keda eínan, te ora

ku nubianan lora bek, segun ku Hesus ta bini pa segundo bes. Job a kere firmemente den e resurekshon di kurpa di e mortonan. El a bisa: "*Pasobra mi sa ku mi Redentor ta biba, i ku na final E lo para riba tera. I despues ku mi kueru keda destrui, mi sa esaki, ku den mi karni lo mi mira Dios, Kende ami mes lo mira, i mi mes wowo lo mira ningun otro hende*" (Job 19:25-27).

JOB tabata mira padilanti na e resurekshon riba "e delaster dia" (na final) ora ku su Redentor lo bini pa lante. E tabata mira padilanti na e resurekshon ora ku atrobe e lo tin un kurpa bibu i lo mira Dios ku su mes wowonan. Ki speransa bunita, i kon real e ta! (Lesatambe Ezekiel 37:1-14).



ILUSTRASHON:

Ora ku un chinas muri, su famia tabatin e kustumber di hasi gran preparashonnan pa e deramentu. For di papel nan ta prepara un kas grandi, ku tabatin hopi kambenan i meubelman fini. Den e kas di papel ei nan ta pone sirbidornan di papel, ku mester sirbi nan maestro morto den e mundu di spiritu. Pafó di e kas nan ta pone un outo bunita di papel. E anochi prome ku

deramentu nan ta kima tur esakinan, keriendo ku si nan hasi asina, e persona morto lo tin un bunita kas, un bunita outo, i hopi sirbidònan den e mundu di spiritu.

ESAKI ta parse masha straño pa nos, pero 'hopi hende den paísnan Kristian tin ideanan mes straño di loke ta sosode na morto. E Skritura Santu ta nos uniko guia sigur.

Laga nos studia mas tokante morto for di e Palabra di Dios.

E MORTONAN TA DEN SHELU AWOR?

5. Kon David ta pone enfasis riba e hecho, ku mortonan NO ta den shelu?

"E mortonan no ta alaba Señor, ni esnan ku ta baha den e luga di silencio" (Salmo 115:17).

"Pasobra den morto no tin rekuerto di Bo; ken lo duna Bo gradisimentu den Seol (graf)?" (Salmo 6:5).

Esaki ta bisa kla ku e mortonan ta den nan graf, i no den shelu alabando Hesus.

6. Hopi tempu despues di morto di David, kiko Pedro a bisa di dje?

"Rumannan, ku tur konfiansa mi por bisa boso tokante e patriarka David, ku el a muri i a wòrdu dera, i su tumba ta serka nos te dia djawè...Pasobra David no a subi na shelu" (Echunan 2:29, 34).

E Skrituranan ta papia di David komo un hòmber segun Dios Su mes kurason (Echunan 13:22). Sin embargo, asta David no ta den shelu; ainda e ta den su graf.

7. Kiko e angel a bisa Daniel tokante morto resurekshon?

"Ma pa loke t'abo, sigui bo kaminda te na e fin; e ora

ei to bo bai sosega i lo lanta pa risibí e parti ku ta tokabo na e fin di dianan... i hopi di esnan ku ta drumi den stòf di suela lo spièrta, algun pa bida eterno, ma otronan pa berguensa i despresio eterno" (Daniel 12:13, 2).

E angel a bisa Daniel, ku e tabata bai sosega te dia di resurekshon na fin di tempu, i ku e no mester teme pasobra morto lo ta un sosiegu sin soñamentu den graf.

E MORTONAN TIN KONOSEMENTU?

8. Kiko ta sosode ku hende su pensamentunan ora ku e muri?

"Su spiritu (rosea) ta sali, e ta bolbe na tera; e mes dia ei su pensamentunan ta perese" (Salmo 146:4).

"... no tin ni aktividat ni planifikashon ni sabiduria den Seol (graf), kaminda bo ta bai... di berdat nan amor, nan odio i nan zelo a perese kaba, i nan lo no tin parti mas den tur loke ta wòrdu hasi bou di solo. Pasobra e bibunan sa ku nan lo muri, ma e mortonan no sa nada" (Eklesiastes 9:10, 6, 5).

Esakinan ta dos tekst ku nos mester korda semper. Nan ta splika masha kla, kiko ta pasa na morto: (1) E rosea, [tin biaha yarna spiritu] ta sali, e hende ta hala su delaster rosea; (2) E ta wordu dera i ta bira tera; (3) Riba mes un dia su pensamentunan ta muri; (4) Den morto no tin memoria di pasado; (5) Mortonan no sabi nada.

9 Ku kiko Hesus ta kompara morto?

"Esaki el a papia i despues El a bisa nan: 'Nos amigu Lazaro a pega sono, ma Ami ta bai pa Mi lant'e for di soño

'Anto e dispelman a bis'E: 'Señor, si el a pega soño, elo bira bon'. Awor Hesus tabata papia di su morto, ma nan a kere ku E tabata papia di e sosiegu di soño. E ora ei Hesus a bisa nan bon kla: 'Lazaro a muri'" (Juan 11:11-14).

Hesus a bisa, "*Lazaro ta drumi*", i despues El a bisa klaramente, "*Lazaro ta morto*". Sinkuenta i kuater (54) biaha Skritura Santu ta papia di morto manera un soño Ora un hende drumi un bon soño anochi, ta parse ku mainta ta bini lihe, no ta asina? Ora ku e spièrta na e yamada di Hesus riba e mainta di resurekshon, lo parse na dje, ku e tabata na soño solamente un ratiko. E diferensia mas grandi entre soño i morto ta, ku ta solamente Hesus por lanta un hende for di e soño di morto. Ta pesei nos mester skucha Su bos awor, asina ku nos lo ta kapas pa tende Su bos riba e dia di resurekshon.

9. E siñansa di Skritura Santu, ku e mortonan no tin konosementu, ta masha rasonabel.

Nunka bo a mira un outu ku tabata kore duru dal un hende benta abou for di su konosementu? Segun e ta drumi riba kaya, kompletamente for di su tino, kuantu kos e sabi? E ta mira kiko ta pasando rònt di dje? Nò! Awor supone ku un trùk ta pasa i trap'e i e ta muri, kiko lo e pensa i kuantu kos lo e sabi? Algun lo kontesta, "despues ku e muri, e lo sabi tur kos", sin embargo, mientras ku e tabata for di su konosementu e no tabata sabi nada. Skritura Santu ta bisa, "*Riba mesun dia su pensamentunan a muri*", i "*e mortonan no sabi nada*". E mortonan ta den nan graf, sosegando den un sono inkonsiente. Ningun di e

mortonan ta den shelu awor of ta sufriendo den fiernu. Ki bunita pa sabi, ku nos stimanan, ku a muri, no ta bibando awor aki den algun mundu di spiritu, mirando abou riba nos, segun nos ta pasando dor di tristesa di bida i dolor di kurason. Nò, nan ta sosegando den nan graf, wardando e yamada di Hesus, e Dunadó di Bida. Su promesa na Su yunan fiel ta: "*pasobra lo bo wòrdu paga bek na e resurekshon di e hustunan*" (Lukas 14:14).

SPLIKASHON DI TEKSTAN DIFISIL

AWOR nos ta bai studia brevemente tres pregunta ku ta molestia hopi hende. (*Si e parti aki ta parse muchu difisil pa bo, no prekupa kune. Sigui na paragraf 12*).

- 1. Kon bo ta splika Eklesiastes 12:7?** Den Beibel, e rosea di bida tin biaha ta wordu yama e "spiritu" (Mira Job 27:3). Ora ku un hende muri, e rosea di bida ei [òf spiritu] ta bai bek na Dios ku a dun'e. Pero, no tin ningun konosementu den un hende su rosea.
- 2. Segun Lukas 16 Hesus no a siña ku hende ta bai direktamente shelu of fiernu ora ku nan muri?** No! E Hudianan a siña e idea ei. Ningun hende ta kere, ku ora un hende muri su kurpa ta wordu hiba shelu of fiernu, pasobra tur hende sabi, ku e kurpa ta keda den graf despues ku el a wordu dera. Tog e parabola aki ta papia di e varios partinan di e kurpa-- e dede, lenga i wowonan. Hesus tabata simpel-mente usa e idea Hudiu di morto, pa siña un gran les moral.

Den Huesnan 9 tin un gran les moral marká. E ta papia einan di palunan, ku ta papia, tòg, ningun hende no a purba kontrolá si e palunan di berdat ta papia. Lukas 16 tambe ta un parabola. Den e parabola of les ophetivo aki, Hesus ta usa e ideanan pa siña Su skuchadornan e gran les, ku ta den e bida aki nos mester hasi nos desishon etèrno.

- 3. Segun Lukas 23:42, 43 e ladron riba krus no a bai shelu riba djabierne?**

Si bo pone e kòma despues di e palabra "awe", [kaminda e mester ta], e nifikashon ta bira masha kla. "*Di berdat Mi ta bisabo awe, lo bo ta ku Mi den paraiso*. E puntuashon di Beibel a wordu agrega dor di hende ora ku nan a tradusí e Beibel, i e no ta pa medio di inspirashon. Mas ainda, e ladron no a muri e djabierne ei (Juan 19:31, 33), i Hesus, riba e siguiente djadumingu, despues di Su resurekshon a bisa ku ainda E no a bai shelu (Juan 20:17). Pesei nos sabi ku Hesus i e ladron NO por a kontra ku otro den shelu riba e djabierne di krusifikshon.

SPIRITISMO

- 12. Ki gran spiertamentu a wòrdu duná kontra purba di papia ku e mortonan?**

"Entre boso no mag wòrdu hañá ningun hende ku ta praktika adivinashon òf ku ta praktika bruheria, òf ku ta pronostika, òf ku ta praktika magia, ni ningun hende ku ta plega hende, of ku ta montadó òf spiritista, òf ku ta konsulta ku e mortonan. Pasobra ken ku hasi e kosnan aki ta un abominashon na Señor"(Deuteronomio 18:10-12). "*Awor un hòmber òf un muhé ku ta montado òf spiritista mester wordu matá sigur. Nan mester wòrdu piedra ku piedra;*

nan kulpa di sanger ta riba nan" (Levitiko 20:27).

Den tempu di Skritura Santu, tabatin 'medium' spiritista, ku tabata wòrdu yama hasidonan di brua, dunadonan di poder, ku tabata profesá di ta kapas di papia ku mortonan. Esaki tabata un engaño di Satanás, meskos ku e ta awendia, pasobra Dios a deklarà klaramente ku e mortonan ta morto; ku nan no sabi nada; ku nan no ta den shelu of den algun mundu di spiritu. Asina peligroso i teribel e engaño aki ta, ku Dios a ordená pa tur e hendenan aki wordu matá. Saul, e promé rei di Israel a wordu matá pasobra el a desobedese Dios i a trata di papia ku mortonan pa medio di un spiritista. (Mira 1 Samuel 28; 1 Kronikanan 10:13, 14).

Si un hende obliga bo pa bai na un reunion spiritista, NO BA!!!! E mensahenan ku e persona trese, ta for di e angelnan malu di Satanás, i no ta for di e mortonan, ku no sabi nada.

NOS SPERANSA-- RESUREKSHON

- 13. Solamente ken por redemi nos for di morto i e graf?**

"Ami ta Esun ku ta biba; i Mi tabata morto, i mira, Mi ta bibu pa semper, i Mi tin e yabinan di morto i di Hades (fiernu)" (Revelashon 1:18).

"Esun ku kere den e Yu, tin bida eterno"
(Juan 3:36).

Si, ta Hesus so tin e yabi di e graf. Si bo kere den djE i obedese Su palabra, bo tin e siguransa di e poder di resurekshon i e promesa di bida eterno den shelu!



PREGUNTANAN PA REPASO DI LES 9

1. Bo a studia e versikulo di memoria? _____
2. Kiko hende ta teme mas i ta kompronde menos? _____
3. Segun Eklesiastes 3:19, 20 (par. 2) animalnan i hende ta bai diferente lugá ora nan muri? _____
4. Hesus ta bisa ku ainda e mortonan ta den nan _____ (par. 3)
5. Job 19 ta bisa: "Mi sabi ku mi _____ ta biba, i ku na final E lo _____
Tambe e ta bisa: "den mi _____ lo mi mira _____" (par. 4)
6. Skrap e deklarashonnan robes den e siguiente parti: (par. 5-7)
 - a) E mortonan ta alabando Dios awor'aki.
 - b) E mortonan no ta den shelu ainda.
 - c) David a bai shelu ora ku el a muri.
 - d) A wòrdu bisa na Daniel, ku e mester sosega te e dia di resurekshon.
7. Salmo 146:4 ta bisa: "Su _____ ta salt, e ta bolbe na _____; e mes dia ei su _____
ta _____ (par. 8)
8. Eklesiastes 9 (par. 8) ta bisa ku no tin _____ ni _____ den

I Eklesiastes 9:5 ta konta nos, "Pasobra e _____ sa ku nan lo _____, ma e _____
no sa nada".
9. Hesus ta kompará morto ku un sosiegu sin _____ (Par. 9). Ora un hende spierta mainta, ta
parse ku e tabata na soño solamente un _____
10. Ora un hende ta for di su konosementu, kuantu kos e sabi? _____. Ora un hende muri, kuantu kos e sa?

11. Den tempu di Skritura Santu, Dios a bisa ku e hendenan ku ta profesá di por papia ku e mortonan mester wòrdu

12. Siendo ku Kristu so tin e yabi di graf, ken nos mester obedese i sigui? _____

MI NOMBER I DIREKSHON

Nòmber: _____ Fam: _____

Kaya : _____ Number: _____ Stat: _____

Debolbe e papel aki pa korekshon na: Bos di Profesia -- P.O. Box # 300 -- Curacao N.A.